




Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj:05-05-666-26/19 III MG
Sarajevo,14.03.2019.godine

SKUPŠTINA KANTONA SARAJEVO
n/r Elmedin Konaković, predsjedatelj
- ovdje -



PREDMET: Odgovor na zastupničko pitanje zastupnice Jasne Duraković

Zastupnica Jasna Duraković na Trećoj radnoj sjednici Skupštine Kantona Sarajevo, održanoj dana 23.01.2019.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila je zastupničko pitanje:

„Vrane u Sarajevu, iz godine u godinu, postaju sve veći problem stanovnika glavnog grada BiH. Naime, prema tvrdnjama građana, a i prema vlastitom svjedočenju, jata ovih agresivnih ptica, koji stalno rastu, „zaposjela“ su gradska naselja, poput Otoke, Dobrinje i Grbavice. Nisu rijetki slučajevi da vrane napadaju i prolaznike. U Ornitološkom savezu BiH kažu kako ih građani često zovu zbog napada ovih ptica. Radi se o agresivnijim pticama, koje su postale jedna vrsta grabežljivica i koje se jako brzo množe. Sarajevo im je jako pogodno tlo, zbog blizine deponije smeća, ali i nemara građana, koji ostatke hrane bacaju gdje stignu. To je pravi razlog što su se namnožile, i sada predstavljaju pravi problem. Napadaju građane u vrijeme parenja, a to je od marta, pa sve do ljeta. Razlog je što su veoma brižni roditelji, pa ako se približite gnijezdu, vrana će vas bez oklijevanja napasti. Zbog toga se veliki broj napada dogodio upravo u parkovima, i u blizini krošnji drveća. Sa problemom prekomjernog broja vrana suočili su se i neki gradovi u Hrvatskoj, ali, oni to rješavaju uništavanjem gnijezda u gradskim zonama. Iz Ornitološkog saveza BiH poručuju da bi i mi trebali ovu mjeru primijeniti kod nas. Nadležni bi trebali dogovoriti sa lovačkim društvima da se počne raditi na odstrelu tih ptica. Najbolje bi bilo raditi u zimskom periodu, kada im nije sezona gniježdenja, otići na gradsku deponiju, gdje ih ima najviše, i reducirati broj. Postavlja se pitanje koliko je etično ubijati ptice, međutim mnogi ubijaju i druge ptice koje nisu štetočine, pa zašto ne i



vrane koje polako postaju veliki problem ovog grada. Moje pitanje Vladi KS i premijeru Vlade KS je kako namjeravamo početi rješavati ovaj problem i da li vi mislite poduzeti konkretne mjere za rješavanje ovog problema?

ODGOVOR:

Povećan broj vrana, u kontekstu upravljanja otpadom, sa stanovišta Ministarstva prostornog uređenja, građenja i zaštite okoliša, treba posmatrati sa dva aspekta.

U prvom redu, radi se o pitanju održavanja komunalne čistoće na javnim površinama, koja je regulisana Zakonom o komunalnoj čistoći Kantona Sarajevo („Službene novine Kantona Sarajevo“ br. 14/16, 43/16, 19/17), a čija je primjena u direktnoj nadležnosti Ministarstva komunalne privrede i infrastrukture. Svakodnevno smo svjedoci da građani na javne, uglavnom zelene površine, bacaju ostatke hrane, kao hranu za ptice. Budući da Zakonom o komunalnoj čistoći to nije zabranjeno, mogle bi se unijeti izmjene u smislu zabrane i za to predvidjeti adekvatne kazne, te obezbijediti značajnije prisustvo komunalnih redara i inspekcije u područjima gdje se to redovno dešava, ali i medijske kampanje u kojima bi se građanima objasnilo da se radi o neprihvatljivoj praksi.

Drugi aspekt veze upravljanja otpadom i povećanog broja vrana se odnosi na upravljanje komunalnim otpadom, koje je takođe regulisano Zakonom o komunalnoj čistoći Kantona Sarajevo. Najčešća mjesta gdje se ptice pojavljuju su niše i kontejneri za otpad, prvenstveno jer građani ostatke hrane ostavljajupticama pored kontejnera za otpad.


U tom smislu, naš je prijedlog da se izvrše izmjene i dopune Zakona o komunalnoj čistoći, kojim bi se zabranilo odlaganje otpada od hrane pored kontejnera, izričitu zabrana odlaganja otpada životinjskog porijekla iz mesnica i trgovina u kontejnere za komunalni otpad, te unijela obaveza zatvaranja poklopaca na kontejnerima, a sve to uz informisanje građana i intenzivniji rad komunalnih redara i komunalne inspekcije, posebno u smislu kontrole privrednih subjekata koji imaju otpad od hrane (pijace, mesnice, restorani) i osiguranja da imaju posebne kontejnere za otpad i da ne odlažu svoj otpad u kontejnere za komunalni otpad.

Obradila: Mira Grgić,
stručni savjetnik za upravljanje otpadom
Kontrolisala: Zijada Krvavac,
pomoćnik ministra za zaštitu okoliša

Dostaviti:

- Naslovu
- Vlada Kantona Sarajevo
- Evidencija

① - a/a



MINISTAR

Damir Filipović, MA prava



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

